



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Disputatur an Gerardus ille legationem illam habuerit sub Gelasio secundo. Afferuntur argumenta in utramque partem.

urn:nbn:de:hbz:466:1-15617

Britannica, eoque esse quinque archiepiscopatus ab Arnulpho Lexoviensi intellectos. Nam tum Britannia provincia Archiepiscopum suum habebat, Dolensem nimurum antistitem, qui dictus est Archiepiscopus usque ad tempora Innocentij III. invitatis licet ac reclamantibus Archiepiscopis Turonensibus.

IV. Veram esse hanc nostram observationem docet vetus scriptor historiæ Pontificum & Comitum Engolismensem à viro clarissimo Philippo Labbeo editus ; cuius hæc sunt verba : *Gerardus vero Engolismensis Episcopus cùm Domino Paschalì Pape adhuc fuisse, qui ad partes Galliarum venerat, cognita honestate & preclara sapientia, ei vices suas prius in Britannia, & deinde Turonensi, Burdegalensi, Bituricensi, Auscitana provinciis commisit. Extant literæ Paschalis II. quæ aperte docent hunc Episcopum Engolismensem ab eo constitutum fuisse Legatum in provinciis Bituricensi, Burdegalensi, Auscitana, Turonensi, & Britannia, editæ illæ quidem ex codice MS. sancti Albini Andegavensis in tomo tertio Spicilegij Domni Lucae Dacherij viri optimi & de antiquitate ecclesiastica bene meriti ; quas tamen, quod ab authenticō nonnihil deflexerint, secunda editione donandas esse censimus. Sic ergo habent in eodem codice sancti Albini.*

Paschalis Episcopus servus servorum Dei venerabilibus fratribus Archiepiscopis, Episcopis, Abbatibus, atque Principibus per Bituricensim, Burdegensem, Auscitananam, atque Britanniam provincias constitutis, & ceteris tam Clericis quam laicis, salutem & apostolicam benedictionem. Apostolice sedis auctoritate providentiāque compellimus, cui auctore Deo presidemus indigni, non solum vicinis & proximis, sed procul etiam positis fidelibus, que ad salutem spectant anima prvidere, quod quantum in nobis est, auxiliante Domino implere satagimus. Proinde vobis, carissimi fratres & filii, Apostolorum Petri & Pauli benedictionem impendimus, & paterna vos affectione cohortamur in Domino quatenus usque in finem firmum propositum justitiae teneatis, laboris mercedem maximam in eternā gloria percepturi. Ut autem penes vos habeatis apud quem querelas vestras atque negotia, cum opportunitum fuerit, referatis, cuiuscumque consilio & hortatu que ad salutem vestram attinent peragatis, vices nostras fratris carissimo Gerardo Engolismensi Episcopo commisimus, in partes eum nostre sollicitudinis adfidentes. Huic vice nostra, ut nostra Apostolorumque in partibus vestris Vicario, ad Dei honorem & ad salutem animarum vestiarum fideliter obedite ; ut vobis per Dei gratiam collaborantibus, que extirpanda sunt extirpare, que corroboranda sunt corroborare prevaleat. Nec sollicitudinem, fratres carissimi, pigate, cum

necessitas ecclesiastica utilitatis exegerit, synodales cum eo celebrare conventus ; quos nimurum convocandi nos ei vice nostra potestatem indulsumus. Data Laterani XVIII. Kal. Maij.

V. Extincto deinde Paschali anno MCXVIII. non constat an Gerardo commissa fuerit legatio Aquitanica à Gelasio successore Paschalis. Imò Callistus II. vices suas per easdem provincias illi delegans, ait se id facere ad exemplum Paschalis, nulla facta mentione Gelati. Vnde colligi posset illum hac auctoritate instructum non fuisse à Gelasio. Præterea Cono Episcopus Prænestinus ad Hugonem Episcopum Nivernensem scribens de electione Callisti secundi, dum ait Gerardum Engolismensem Episcopum in partes ejus transisse, his verbis utitur quæ indicare videntur illum ab alienatum quodam modo fuisse à Curia Romana tempore Gelasij. Ait enim : *Nam & Engolismensis Episcopus, antequam à nobis discederet, subscriperat, & Domino Pape humiliter se subdiderat. Ratio autem alia propter quam Gerardus commotus esset adversus Gelasium haud dubiè alia esse non potuit quam quia vices illi suas non commiserat. Legatum tamen apostolica sedis fuisse etiam sub pontificatu Gelasij dicere videtur Ordericus Vitalis, qui de ejus morte loquens ita scribit :*

Tunc Girardus Engolismensis Episcopus, vir eruditissimus, migravit, qui magni nominis & potestatis in Romano Senatu tempore Paschalis Pape, & Gelasij, Calixti, & Honori fuit. Innocentij secundi tempora omisit, quia Girardus ab illo non stetit, imò adversarij ejus Anacleti partes impensè fovit.

V I. Electo deinde Callisto II. apud Cluniacum anno MCXIX. Gerardus Engolismensis Episcopus in partes transgressus, electioni ejus subscriptus, ut mox dicebamus, & ei se subdidit. Tum ei haud dubiè monstrata est legatio Aquitanica, ad mitigandum viri præpotentis animum. Itaque anno sequenti Pontifex ad Gallos in quinque provincias Aquitanica legatione comprehendi solitus hæc scriptis de vicibus apostolica sedis rursus commisus eidem Gerardo. Extat epistola illa in veteri codice MS. sancti Albini Andegavensis, unde à nobis primum edita est.

Calixtus Episcopus servus servorum Dei, dilectis fratribus & filiis Archiepiscopis, Episcopis, Abbatibus, Principibus, & ceteris tam Clericis, quam laicis, per Bituricensim, Burdegensem, Auscitananam, Turonensem, & Britanniam provincias constitutis, salutem & apostolicam benedictionem. Et patrum præcedentium institutio exigit, & fraterne caritatis debitum nos compellit, ut providere salubriter universis

R iiij